

SOCIETAD DA MUSICA SEDRUN

1875 - 1975

CRONICA

DA SUR GIUSEP DURSCHEI, PLEVON, SEDRUN

Sche nus dein oz in'egliada anavos el vargau, seregurdond cuortamein dalla naschientscha e dil svilup dalla societad da musica da Sedrun, daventa quei per puspei clamar en memoria regurdientschas, che massen forsa prest en fossa. Cun quei ch'ins ha nuota protocols, che serefereschan a siu origin e dattan perdetga da sia fundaziun, essan nus sfurzai da suandar la memoria d'enqual commember vegl dalla musica: Rev. P. Baseli Berther OSB, Gion Ant. Monn, Luis Schmid, Ligiaun, etc.

La tradiziun e nos vegls raquentan, che la societad da musica da Sedrun seigi reconstituida a caschun dalla Messa nuviala dil Rev. Sur canon Tumaisch Gius. Beer da Gonda igl onn 1877. Rev. P. Baseli Berther scriva en siu relasch: "Quei onn (1875/76) duei era la musica instrumentala da Tujetsch esser vegnida eregida a Sedrun." Ins stodonton bunamein supponer, che la musica, vulend embellir la Messa nuviala da Sur Tumaisch Beer ils 5 d'uost 1877 ha stuiu sepreparar leutier in tochen dus onns avon, aschia ch'igl onn dalla fundaziun po esser staus 1875. Ei fuvì aunc paucs musicants, che secomponevien d'entgins students e mats plein ideal e premura per quella caussa. Ils emprems commembers ein stai:

Schmed Stiafen, scolast e forester (dirigent)
Berther Giachen Martin, Dieni (Rev. P. Baseli)
Berther Tumaisch Giusep, Dieni (Rev. Sur plev.
Tum. Berther)

Schmed Paul, stud., Camischolas
Venzin Sep Antoni (il grond da mulin)
Bearth Vigeli (de Genoveva), Gonda

Il dirigent sgr. scol. Stiafen Schmed, che ha fundau la societad da musica a Sedrun, sto esser staus in fervent amatur e fautor dalla musica instrumentala. Ins raquenta gie, ch'el hagi fundau e schizun diregiu biars onns treis musicas: Sedrun, Mustér e Lumbrein.

En scadin cass muossa il contract cun la lud. vischnaunca ariguard l'amortisaziun dil deivet pils emprems instruments, ch'il fundatur e ses associats han giu ina greva posiziun finanziaria all'entschatta. Ei havevan pagau frs. 430.-- pils instruments e retschert igl onn 1883 in subsidi de frs. 180.-- per amortisar quei capital. La lud. vischnaunca ha giu fatg da lezzas uras las sequentas condiziuns sco ins sa leger aunc oz el cudisch da protocols da vischnaunca:

Convenziun: Fatga ils 18 da Mars 1883 denter la Lud. wla Wischnaunca da Tujetsch e la societad dalla Blechmusic era da Tujetsch. - Sin la istanza fatga sut sura datum da part dalla societad dalla Blechmusic da Tujetsch tier la Wischnaunca per in subsidi, applicabel per l'amortisaziun dil Capital da frs. 430.--, che la societad ha fatg si entras la procura da 7 instruments musicals sin via da compra ha la Wischnaunca concludiu da dar alla sura societad sin datum proxim aber senza tscheins fr. 180.--, sco desiderau subsidi e quei sut sequentas conditiuns:

- 1 mo : Ils instruments dalla sura societad deigien cul di ded oz esser tuts exclusiva proprietad dalla Wischnaunca da Tujetsch. -
- 2 do : Aschi gleiti sco la allegada societad ei sesminuida en commembers da maniera che quella sa buca producir la musica publicamein et ei gliei cheu avon maun niginas novas forzas per quella completar e reorganisar cun qualificats personals, deigien tuts 7 instruments cun era la musicalias, che quella societad posseda vignir surdai senza nigina bonificaziun ulteriura alla suprastanza da Tujetsch, la quala ha lura quels instruments musicals e musicalias da governar e conservar sco proprietad dalla Wischnaunca per aschi ditg ch'ei leva e seorganisescha buca puspei ina nova societad da musica.

- 3 zio: Aschi ditg sco la sura societad musicala exista deigen ils menzionai instruments esser en compleina disposiziun da quella, quei per diever et intent dalla musica la quala ha da prestar ses survetschs ils dis da nossas fiastas ecclesiaticas senza honorars encunter.
- 4 to : Deigi la societad era haver il complein dretg da remplazar libramein sperditas da commembers extrai ord la societad conform beinmanegiar da quella entras qualificai personals. -
- 5 to : Eis ei tschentau da part dalla Wischnaunca alla societad la conditiun, che quella astgi sut nigins tettels prestar lur survetschs musicals sin e tier bals ni en ni ord Wischnaunca. -

Il sura attesta

En num dalla Wischnaunca

Tujetsch, ils 19 da Mars 1883 Soliva Joh. Anton

Per la societad dalla musica ils presents commembers da quella sezza:

Carl Cavegn, Josef Ant. Biart, Adolf Cavegn, Duri Battesta Huonder, Vigeli Josef Wenzin, Rest Valentin Beer, Thomas Berther.

Aschi lunsch legin nus el cudisch da protocol dalla lud. vischnaunca. Oz denton ei la societad da musica totalmein libra en sias disposiziuns.

Sut la capavla e perseveronta direcziun da sgr. scolast Stiafen Schmed ha la musica da Sedrun fatg stupents progress. Ella ei stada sut sia bitgetta tochen ca. 1890. - Vegls musicants raquentan aunc oz, ch'il Martin Schmed (calger) numnaus il Martin Toni hagi offeriu ina sera in marenghin alla musica, sch'ei cumpognien el a casa. Detg e fatg! Suenter in casual refrestg en la "Cruna" ein ils musicants semess en retscha ed han cumpignau il Martin en accords pli u meins sonors entuorn las 10 dalla sera tochen si sum il vitg avon casa. Ins hagi sunau ton da gust, che buca mo igl entir vitg seigi semess sin comba, na schizun la buna consorta dil Martin seigi comparida avon casa per admetter in special engraziament per quella buna ovra!

Ils commembers da quella perioda ein:

| | |
|--|--|
| Berther Tumaisch da Camischolas | Bearth Sep Antoni |
| Beer Rest Valentin da Lorenz, Camischolas | Huonder Duri Battesta |
| Cavegn Carli | Beer Vigeli da Toni Hasper |
| Cavegn Florentin | Gieriet Rest Antoni |
| Venzin Sep Ant. da mulin | Berther Gion Andriu |
| Venzin Vigeli da mulin | Gamboni Sep Fidel |
| Venzin Giachen Antoni da mulin | Huonder Giachen Antoni |
| Cavegn Adolf | Jacomet Giachen Giusep, tambur da militer e da cumin |
| Poltera Giachen | |

En absenza da Jacomet ha era Gion Paul Berther dau sil schumber pliras ga.

Ina ga che sgr. scolast Stiafen Schmed ei setratgs naven (ell'America) han ils dus comprovai musicants vegls Vigeli Venzin ed Adolf Cavegn fatg ils dirigents, susteni la stad dils students Giachen Giusep Beer da Sedrun (Revm. Sur canoni) e scolast Gion Ant. Schmed da Cavorgia. Ei fuva entuorn ils onns 1893/95. Las fiastas ecclesiasticas ha la musica adina funzionau.

Ils onns 1894/1904 ha il giuven scolast Gion Ant. Deragisch rimnau ils musicants vegls ed instruiu novs commembers. Sut sia bitgetta sto la musica da Sedrun haver fatg considerabels progress, aschia ch'ella valevi igl onn 1899 per la fiasta centenara dall'invasiun franzosa a Mustér per la megliera musica dalla Cadi. A caschun da quella fiasta ha sgr. scol. Deragisch diregiu tuttas musicas. La musica da Sedrun ha representau leu la musica dall'armada franzosa. Quei medem onn ha ella era giu l'honor d'embellir las Messas nuvialas da Sur Giachen Giusep Beer da Sedrun e Sur Hans Giach. Venzin da Selva.

Ils commembers da quella perioda ein:

| | |
|------------------------------|---------------------------------------|
| Deragisch Gion Ant. dirigent | Deragisch Emanuel, secund dirigent |
| Cavegn Adolf | Curschellas Giachen Martin |
| Pally Martin | Monn Sep Ant. da Surrein |
| Venzin Vigeli da mulin | Beer Tumaisch, Gonda |
| Venzin Giachen Ant. da mulin | Schmed Heinrich |
| Huonder Giachen Antoni | Cavegn Lucas |
| Soliva Battesta da president | |

Monn Gion Antoni, forester
Berther Maurus
Curtins Giachen Fidel

Schmed Paul
Tamburs: Monn Gion Felici
Loretz Leci e Deragisch
Emanuel

Dirigents dapi 1904-1918

Pally Giachen Antoni, scolast, 1904/09

Monn Gion Antoni, forester cun agid da Beer Luis, Mustér
1909/18

Sgr. Luis Beer, possessur dil "Central" a Mustér ei staus in grond idealist e bien musicant. El ei serendius savens da Mustér a Sedrun cun cavagl ni era a pei per direger nossa musica. La sera tard menavan ins el mintgamai a casa. Tonta sacrificontadad per la buna caussa mereta speciala menziun. Era sgr. Emanuel Deragisch, sgr. Luis Decurtins e sgr. scol. sec. Hans Giachen Decurtins han sedau gronda breigia pil manteniment e la prosperaziun dalla musica da Sedrun.

Perfin igl actual Msgr. Vicari general e protonotari Benedetg Venzin ha remplazzau differentas ga il bassist cun veseivla premura e bravura. Persuenter ha la musica tratg tuts ils registers disponibels cun caschun da sia Messa nuviala (1917).

Il meriteivel musicant vegl sgr. Battesta Soliva dalla "Pensiun" sa aunc seregurdar dils sequents eveniments historics: Igl uost 1908 han ils musicants fatg ina spassegiada ad Ursera cun 3 cavals e 2 cars da laitras. El hotel "Treis Retgs" han ei gentau ina brava suppa cun ina detga ligiongia per persuna. Mintgin ha pagau sez ils fr. 1.20 ch'ei ha custau. Ei havevan matei era giu pauc d'unfrir ord cassa! Cun quella caschun han ils musicants tratg ils fols da camifo marschond tras il vitg ed ein stai in'uriala da buna cumpignia cun lur compatriots tuatschins. A bun'ura ein els semess sin via encunter casa. Sill'Alpsu (Oberalpsee) han ei denton schau semegliar cuort. Il hotelier, da gliez temps Giuli Christen, ed il colonel Geilinger cun ses adiutants fuvan tut incantai dil cantar e sunar sco era dil bien e saun humor dils musicants tuatschins ed han pagau a quels in oreifer pushegn.



1918

Igl onn 1915 per la fiasta da Sontgilcrest a Rueras fuvan ils biars musicants giuvenns sils confins ed ins temeiva da buca saver sunar quella fiasta. Sis premurai musicants actiivs han aunc rimnau 2-3 musicants vegls, han fatg avon entgins exerchezis ed embelliu il Sontgilcrest da Rueras per cuntentientscha ed admiraziun da pign e grond. Da quei eveniment dattan perdetga ils plaids da Rev. Sur Elvedi, caplon da Selva. El ha menzionau en siu discuors da suenter miezdi en sala dil caplon da Rueras, Rev. Sur Gion Ant. Venzin: "Jeu sun vegnius oz nuidis e cun grev cor ord miu eremitadi, secartend che nus stueien far fiasta oz senza musica e senza parada. Mo vegnend da Dieni neu sepusond sin miu fest, audel jeu tuttenina per miu pli grond smarvegl la musica a sbatter sias alas e vesel dado Rueras las bandieras sgulatschontas. Lu sundel sesentius 20 onns pli giuvenns e selegrond hai clamau: Oz fagein nus fiasta gronda! Ed en ver Paid, fiasta gronda, fiasta sontga vein nus fatg!"

Ils commembers da quella perioda ein:

| | |
|-------------------------------|----------------------|
| Decurtins Hans Giachen, scol. | Pally Giachen Antoni |
| Schmed Paul | Monn Duri Giusep |
| Beer Tumaisch | Cavegn Lucas |
| Soliva Vigeli da Bruno | Monn Stiafen |
| Beer Gion Antoni, Gonda | Decurtins Luis |
| Soliva Duri Vigeli | Monn Vigeli |
| Soliva Battesta | Hendry Leci, tambur |
| Soliva Giachen Antoni | Schmed Adolf, tambur |

Perioda 1917 - 1939

Cunquei ch'il cudisch vegl da protocols ei sparius e negin che po anflar el pli, ei il cronist sfurzaus da continuar sia lavur sebasond sin las regurdientschas da commembers vegls dalla societad da musica. Ariguard ils onns vargai essan nus suandai specialmein la memoria da sgr. forester Gion Antoni Monn e Luis Schmed, sesents a Ligiaun. La perioda che suonda 1917/28 ei plitost magra en eveniments da muntada speciala. Cheu fagein nus menziun d'enqual episod, raquintada dals commembers vegls sgr. Battesta Soliva dalla "Pensiun" e sgr. Baseli Deflorin da Zarcuns.

Igl onn 1917 han ins elegiu dirigent sgr. scolast Tumaisch Venzin, che ha fatg quei survetsch cun gronda capientscha tochen 1939. Sch'ei dat ils emprems 10 onns buca da men-

zionar bia, astgein nus tonaton constatar cun ina certa luschezia, ch'ils meriteivels musicants da Sedrun han era quei temps buca emblidau e negligiu lur pensum essenzial. Nuninterruttamein han els sunau en laud, honor da Diu tuts quels onns per las numerusas e bialas fiastas ecclesiasticas dalla pleiv tuatschina. Quella finamira astga la musica mai piarder sin via atras sia historia. Per quei spért ideal da sacrificontadad mereta ella nies cumplein engraziament.

Vul ins tonaton allegar enqual fatg empau pli remarcabel ord la veta da quels onns, sche san biars commembers pli vegls aunc seregurdar fetg bein, ch'il sgr. ustier Florentin Cavegn ha giu envidau l'entira societad ils 8 da settember 1921 sill'Alpsu (Passhöhe). Ils musicants ein serendi lezza ga cun 2 carrs da plemas e 4 cavals tier lur bien amitg. Ei fuva serinmau leusi bia pievel quei di. Tuts ein vivi e sediverti grondiusamein.

Denter las pli bialas reminiscenzas dils onns vargai, che leventan aunc oz encarschadetgna els cors dils campiuns vegls, s'audan ils dis che in u l'auter dils musicants envidava l'entira societad a magliar groma.

Igl onn 1926 han ins fatg quella viseta usitada tier ils fargliuns Soliva da Bruno e tratg groma aschi da curascha tochen ch'ei ha dau tscharnida. Persuenter ein ins staus necessitaus da sgarmar ils curtès dil vischin!

La davosa ga ei la societad da musica stada a magliar groma igl onn 1934 tier ils fargliuns Monn si Mulinatsch.

Amiez quels vjadis "el Selvadi" astgein nus buca tralasar da menzionar, che la societad da musica ha quels onns giu caschun da cooperar allas Messas nuvialas da Rev. Sur Flurin Venzin da Selva (1925), Rev. Sur Dr. Maurus Brugger da Rueras (1926) e Rev. Sur Sep Ant. Venzin da Rueras (1927).

Cun igl onn 1928/29 entscheiva il cudisch niev da protocols. Cheu anflein nus gia all'entschatta, co l'Uniun da musicas sursilvanas hagi el senn d'organisar per la primavera 1929 ina fiasta da musica. Ei settracta dall'emprema fiasta da musica districtuala. Ella ha giu liug ils 20 da matg 1929 a Mustér, nua che la musica da Sedrun sut la capavla direcziun da sgr. scolast Tumaisch Venzin ha



1929

aquistau cun honur e bravura in tschupi d'arbagias. Il toc da pag seclamava "Andante religiose" da E. Mehul.

Suenter quella fiasta, che aveva svegliau niev anim denter ils musicants, ha il versau musicus Rev. Sur caplon Luregn Rageth, sez in oreifer e premurau musicant, fundau ina "preparanda" pils candidats dalla musica. El ha insumma sacrificau biaras uras cun stenta e pazienza per alzar la prestaziun dalla societad e mereta in sinzer Dieus paghi per ses survetschs.

La secunda fiasta da musica a Trun ils 15 da matg 1932 ha nossa musica da Sedrun astgau purtar a casa in tschupi d'arbagias d'emprema classificaziun, ina biala enzenza dil progress contonschius dapi l'emprema fiasta. Il toc da pag seclamava "Festhymnus" da Fr. Silcher. Igl ei capeivel che quels success han dau slonsch e satisfacziun ton al sgr. dirigent sco als commembers.

Ils 22 da settember 1935 ha la musica giu d'embellir la fiasta dalla Romania, instradada en speciala honur e regurdientscha dil bien P. Maurus Carnot OSB.

Igl uost 1936 havein nus giu l'honor da beneventar en nossa val la musica da polizia da Basel.

Ils 18 da fenadur 1937 ha il convischin da Sedrun, Sur primiziant Placi Huonder celebrau sia Messa nuviala a s. Vigeli. In bellezza di che aveva rimnau in pievelun en Tujetsch. La musica ha puspei giu cheu sia missiun speciala sco era 1943 tier la Messa nuviala da Sur Giusep Berther da Dieni e lu pli tard tier quella dil Rev. P. Pellegrino Decurtins OMF, da Rev. Sur Callist Monn, Rueras (1947), Rev. Sur Christian Monn, Rueras (1948) e Rev. P. Alexander Beer (1949).

Ils commembers da quella perioda ein:

| | |
|---------------------------------|--------------------------|
| Venzin Tumaisch, scol. dirigent | Werth Martin |
| Deflorin Benedetg | Gieriet Christian |
| Deflorin Giusep | Soliva Ignazi |
| Cavegn Albert | Cavegn Tumaisch |
| Curschellas Thomas | Cavegn Ambrosi |
| Berther Gion Andriu, junior | Cavegn Placi |
| Pally Augustin, scolast | Berther Lucas, Cruna |
| Hendry Toni, scolast | Berther Christian, Cruna |



1948

Cavegn Lucas
Jacomet Luis
Monn Rest Valentin
Berther Giachen Fidel, scol.
Jacomet Placi
Rev. caplon Rageth, Luzern
Gieriet Toni
Monn Vigeli
Hendry Bruno
Valier Luis
Valier Giachen Martin
Schmid Heinrich
Peder Barclamiu, scolast
Peder Gion Mihel, scolast

Hendry Giachen
Berther Christian
Gamboni Giachen Giusep
Schmid Felici
Monn Stiafen junior
Cavegn-Gieriet Albert
Monn G. Andriu
Monn Fidel
Soliva Vinzens
Monn-Flepp Giusep
Cavegn Gaudenz
Deragisch Valentin
Beer Alfons

Igl onn 1939 dat sgr. dirigent Tum. Venzin sia demissiuun. Per quei unviern ha sgr. Baseli Deflorin da Zarcuns diregiu la musica e lu han ins elegiu il niev scolast giuven Teofil Schmid, che diregia aunc oz la musica da Sedrun cun vasta egliada e maun segir.

Il medem onn ha la societad fatg ina viseta all'exposiziun nazionala (Landi) a Turitg. Denton han ils zenns da stuornas clamau nos umens als confins. La secunda uiara mundiala ei sesfrenada quels dis, che ha purtau ton saung, tontas larmas, ruinas e ton disuorden a pievels e naziuns. La societad da musica, beinduras bravamein scardalida quei temps da mobilisaziun, ha tonaton sespruau d'ademplier siu pensum tenor puder e saver.

Ils 9 da matg 1948 ha ei puspei dau in punct culminont en la historia dalla musica. Quei di han ins frequentau la 5. fiasta da musica sursilvana a Mustér. L'aura fuva sco fatga ed ils umens propi en gamba. La concorrenza ei denton stada fetg greva, aschia ch'ins ha stuiu secuntentar cun in tschupi d'arbàgias da secunda qualificaziun ton ariguard il marschar sco pil toc da pag, che seclamava "Märchenland".

Cun quei che nossa uniun fuva ual entrada en l'Uniun cantonala, han nos fideivels commembers Deflorin Baseli (31 onns). Huonder Baseli (29 onns) e Venzin Tumaisch (25 onns) retschiert la medaglia d'honor dils veterans cantonals. Honor a tgi ch'auda honor!

Per la fiasta da s. Placi 1948 a Mustér ha la musica da Sedrun giu l'honor singulara da remplazzar la musica da Mustér, che fuva serendida a S. Gagl alla fiasta federala da musica. Quei di han ils Tuatschins sunau cun il plascher ed in slonsch tut aparti. Ei han era meritau igl applaus dils numerus pelegrins da s. Placi.

Per la dumengia dil s. Rusari dil medem onn ha nossa musica saviu celebrar la benedicziun d'ina bandiera nova. Il meriteivel bandierel sgr. Christian Berther dalla "Cruna" ha purtau quei di la bandiera nova, escortaus dal padrin sgr. Maurus Berther e dalla madretscha Barla Deflorin. Possi quella bandiera sgolatschar biars onns per simbol dall'unitad e fideivladad, che dueien reger en nossa societad!

Igl ei capeivel, ch'ins ha buca vuliu concluder quei onn da tonta lavur senza dar als premurai commembers ina beinmeritada renconuschientscha en fuorma d'ina sera familiara. La sera dils 24 d'october 1948 han ins envidau tuts commembers activs e passivs, ils augsegners ed aunc auters meriteivels fautors ad ina tscheina da cuminonza en la "Cruna" e purschiu leu in reh e bi program.

Per puder tener la dira en tuttas burasclas da quels onns vargai, era sin terren finansial, che munta adina in problem fatal per ina societad da musica ha quella neu e neu stuiu encurir resursas da daners. Per quei intent ha la musica inscenaun plirs teaters:

" Sogn Willibald", drama (fatg duas ga)

" Garcia Moreno" (1943), transl. e diregius da
sgr. dep. Felici Monn

" Ils frars Taverna" (1948), transl. e diregius
da sgr. scol. Toni Hendry

Dasperas han ins dapi entgins onns era fatg tochets humoristics e combinau quels cun producziuns musicalas dalla musica e dil chor viril per gliendisdis-tscheiver sera. Mintgaton han ins schizun encuretg d'emplenir la cassa cun agid d'ina tombola ni fiastas d'uaul.

Per animar ils commembers da star fideivels han ins aunc sespruau da far onn per onn ina sera hilarica alla fin dils exerchezis e da dar ina tabla commemorativa a quels que stattan silmeins 18 onns en la societad (1937).

Naturalmein ch'ei dess da menzionar aunc beinenqual auter fatg ord il far e demanar dalla musica da Sedrun. Biaras reminiscenzas ein idas en fossa cun ils commembers defuncts, autras vivan sut cozza en la memoria dils vivents.

CRONICA

DA DR. TONI BERTHER, CAMISCHOLAS/CUERA

1. Empunida

A caschun dil giubileum da 75 onns ha la societad da musica Sedrun fatg fiasta gronda. Quei ei stau da mesastad 1950. Ina fiasta populara el ver senn dil plaid, alla quala igl entir peivel tuatschin e numerus hosps han priu art e part. Bugen seregurdein aunc oz dil til ordvart variont, dalla musica veglia, dil giug festiv "Pievel, salva tia dignitad", dallas legreiblas producziuns musicalas e dils plaids d'engraziament ed encuraschonts dils orateurs. Mo cul temps svaneschan las reminiscenzas pli e pli.

Avon maun ei denton oz sco allura la plascheivla scartira da fiasta cun la cronica dalla musica dapi sia entschatta 1875 entochen 1950. La descripziun beinreussida dil svilup dils emprems 75 onns ei cumpilada dil versau scribent Sur Giusep Durschei, plevon a Tujetsch dapi 1948. Igl actuar dalla societad da musica ha anflau ils dretgs plaids, sch'el scriva en siu extendiu rapport da fiasta denter auter: "...en num dalla musica d'engraziar en emprema lingia a nies zun preziau Sur Giusep Durschei per la biala ed edificonta cronica, ch'el ha scret cun maun meisteril e la quala ha segir per nossa musica ina valeta permanenta. Veramein! Grazia a quella oreifra scartira savein nus desister d'ira pli anavos ed astgein secuntentar cun nudar entgins eveniments impurtonts e characteristics dils davos 25 onns.

Il fundament dall'actuala cronica porschan ils protocols e rapports secrets dapi 1928 cun carezia e premura dils

actuars:

| | |
|--------------------------------|-------------|
| Peder Gion Michel, Rueras | 1928 - 1932 |
| Monn Gion Andriu, Sedrun | 1932 - 1934 |
| Deragisch Placi, Gonda | 1934 - 1937 |
| Schmid Felici, Zarcuns | 1937 - 1939 |
| Valier Benedetg, Camischolas | 1939 - 1940 |
| Cavegn Gaudenz, Sedrun | 1940 - 1944 |
| Berther Giusep, Gonda | 1944 - 1946 |
| Monn Felici, Sedrun | 1946 - 1950 |
| Berther Gebhard, Camischolas | 1950 - 1956 |
| Huonder Tumaisch Alois, Sedrun | 1956 - 1960 |
| Caduff Flurin, Camischolas | 1960 - 1966 |
| Schmid Ignazi, Sedrun | 1966 - 1968 |
| Soliva Battesta, Gonda | 1968 - 1974 |
| Gamboni Stanislaus, Sedrun | 1974 - |

Il giavisch exprimius alla fin dalla cronica 1950 ei secum-
plenius atras ils davos 25 onns ed astga ussa vegnir
tschentaus sco empunida all'entschatta dalla nova cronica:
"Il bien spért che ha manteniu en pei la societad da mu-
sica ils decennis vargai, vegli era dar anim e curascha
als commembers futurs da sunar vinavon en laud honur dil
Segner e per l'edificaziun e recreaziun dil pievel. Lu ha
la musica ina biala e gronda missiun, che mereta igl en-
graziament da tuts.

Ils commembers activs digl onn giubilar 1950 eran:

| | |
|----------------------------------|-------------|
| Schmid Teofil, Sedrun, dirigent | 1939 - 1964 |
| Berther Giusep, Gonda, president | 1934 - |
| Monn Felici, Sedrun, actuar | 1929 - 1950 |
| Schmid Baseli, Sedrun, cassier | 1939 - 1952 |
| Deflorin Baseli, Zarcuns | 1917 - 1960 |
| Huonder Baseli, Sedrun | 1919 - 1955 |
| Deragisch Placi, Gonda | 1931 - 1966 |
| Valier Benedetg, Camischolas | 1933 - 1959 |
| Cavegn Vigeli, Sedrun | 1934 - 1954 |
| Monn Ignazi, Sedrun | 1934 - 1958 |
| Monn Lucas, Sedrun | 1934 - |
| Monn Benedetg, Sedrun | 1934 - |
| Soliva Bruno, Sedrun | 1935 - 1961 |
| Monn Isidor, Sedrun | 1939 - 1953 |
| Monn Baseli, Sedrun | 1939 - 1952 |
| Berther Gebhard, Camischolas | 1944 - 1963 |
| Schmid Giusep, Sedrun | 1944 - 1969 |
| Monn Vigeli, Sedrun | 1944 - 1967 |

| | |
|--------------------------------|-------------|
| Monn Tumaisch, Sedrun | 1944 - 1971 |
| Berther Ignazi, Gonda | 1944 - |
| Schmid Alexander, Zarcuns | 1944 - 1952 |
| Huonder Tumaisch Aluis, Sedrun | 1947 - 1964 |
| Monn Christian, Sedrun | 1947 - 1953 |
| Schmid Martin, Zarcuns | 1947 - 1967 |
| Caduff Flurin, Camischolas | 1948 - 1966 |
| Beer Gion Giachen, Gonda | 1948 - 1968 |
| Decurtins Adalbert, Bugnei | 1949 - |
| Jacomet Giusep, Sedrun | 1949 - 1953 |
| Beer Cassian, Sedrun | 1949 - 1965 |
| Beer Ignazi, Gonda | 1949 - 1968 |
| Beer Placi, Gonda | 1950 - 1952 |
| Monn Fidel, Sedrun | 1950 - 1951 |

Commembers actiivs naven da 1950 entochen 1975:

| | |
|----------------------------------|-------------|
| Berther Vigeli, Camischolas | 1951 - 1964 |
| Hendry Augustin, Gonda | 1952 - 1953 |
| Deflorin Giachen, Zarcuns | 1952 - 1968 |
| Deflorin Vigeli, Zarcuns | 1953 - 1956 |
| Berther Sep Fidel, Rueras | 1953 - 1962 |
| Jacomet Christian, Sedrun | 1953 - 1970 |
| Gieriet Baseli, Rueras | 1953 - 1958 |
| Cavegn Sep Andriu, Sedrun | 1953 - 1954 |
| Hendry Richard, Sedrun | 1955 - 1959 |
| Berther Gion Andriu, Camischolas | 1959 - 1972 |
| Curschellas Carli, Gonda | 1959 - 1963 |
| Pally Vinzens, Rueras | 1959 - 1968 |
| Caduff Guido, Camischolas | 1960 - 1961 |
| Beer Mario, Sedrun | 1960 - 1964 |
| Cavegn Antieni, Sedrun | 1960 - 1972 |
| Cavegn Valentin, Sedrun | 1960 - 1962 |
| Berther Emanuel, Sedrun | 1960 - 1971 |
| Beer Carli, Sedrun | 1960 - 1965 |
| Deflorin Pieder, Gonda | 1960 - 1968 |
| Casanova Eugen, Rueras | 1960 - 1961 |
| Büttiker Max, Camischolas | 1960 - 1961 |
| Meier Nicolaus, Camischolas | 1961 - 1962 |
| Coray Pieder, Rueras | 1962 - 1964 |
| Schmid Ignazi, Sedrun | 1964 - 1970 |
| Hitz Edgar, Camischolas | 1964 - 1973 |
| Berther Stiafen, Camischolas | 1964 - 1973 |
| Berther Martin, Camischolas | 1966 - 1973 |
| Cavegn Felici, Sedrun | 1968 - 1971 |
| Cavegn Robert, Rueras | 1970 - 1974 |



1955

2. Maletg exteriur

Entochen dacheu purtavavan ils singuls commembers vestgadira civila ad occasiuns da parada. Igl atun 1950 ei la societad da musica sedecidida da far si mundura suenter haver ponderau manedlamein la caussa ed en special la vart finanziaria. El cudisch da protocols anflein nus la remarca significativa: "Per la fiasta da Sontgilcrest, ils 24 da matg 1951, ha la ludeivla societad da musica paradau per l'emprema gada en siu niev vestgiu. Quei di era l'egliada da l'entira populaziun drizzada sin nus musicants e nus giuvens savevan buca co star e passar per far la megliera impressiun sillas mattauns, mo era ils mardai sestrubegiavan per attirar l'attenziun da lur consortas. Veramein in til da triumf." Ch'ils musicants han duvrau ed isau stediamein las schittas uniformas demuossa il fatg che quellas ein stadas da remplazzar gia 1962. Las novas uniformas en ner han dau niev anim e fatg il survetsch entochen ussa. Per la fiasta centenara sepresenta la societad da musica Sedrun en sia tiarza mundura.

Dapli menzionein nus che la societad da musica ha acquistau 40 novs instruments, surdai als musicants ils 15 da november 1969. Era ina bandiera nova sgolatscha loschamein per il giubileum da 100 onns e speranza per aunc ditg vinavon. La davosa bandiera ha la musica mess neu 1948. Il senn d'ina bandiera ei: Confess da fideivladad per ina idea ed enzena exteriura d'unitad. Quei possi era valer per ils commembers activs digl onn giubilar 1975:

| | |
|--|----------------|
| Hendry Benedetg, Camischolas, dirigent | 1972 |
| Deflorin Leci, Camischolas, president | 1953 |
| Gamboni Stanislaus, Sedrun, actuar | 1968 |
| Cavegn Alexander, Gonda, cassier | 1960 |
| Berther Giusep, Gonda | 1934 |
| Monn Benedetg, Sedrun | 1934 |
| Monn Lucas, Sedrun | 1934 |
| Berther Ignazi, Gonda | 1944 |
| Decurtins Adalbert, Bugnei | 1949 |
| Soliva Battesta, Gonda | 1952 |
| Berther Stanislaus, Sedrun | 1953 |
| Beer Tumaisch, Rueras | 1953 - 1972 |
| | 1974 reintraus |
| Cavegn Rudolf, Sedrun | 1957 |
| Berther Ignazi, Camischolas | 1959 - 1972 |
| | 1974 reintraus |

| | |
|---------------------------------------|----------------|
| Monn Battesta, Sedrun | 1959 - 1971 |
| | 1973 reintraus |
| Cavegn Venanzi, Camischolas | 1960 |
| Deragisch Ervin, Sedrun | 1960 |
| Berther Ludivic, Gonda | 1961 |
| Giossi Vigeli, Rueras | 1964 |
| Schmid Giusep, Gonda | 1964 |
| Berther Giachen Antoni, Rueras | 1964 |
| Cavegn Richard, Rueras | 1966 |
| Monn Gion Giachen, Rueras | 1966 |
| Giossi Callist, Rueras | 1966 - 1972 |
| | 1974 reintraus |
| Hendry Gion Aluis, Sedrun | 1968 |
| Cavegn Hermann, Sedrun | 1968 |
| Monn Sep Andriu, Sedrun | 1968 |
| Deragisch Paulin, Sedrun | 1969 |
| Giossi Teofried, Rueras | 1970 |
| Gamboni Vigeli, Sedrun | 1970 |
| Monn Ciril, Gonda | 1970 |
| Caduff Benedetg, Rueras | 1970 |
| Livers Arnold, Gonda | 1972 |
| Monn Silvio, Sedrun | 1973 |
| Hendry Tarcisi, Gonda | 1974 |
| Berther Felici, Gonda | 1974 |
| Schmid Emil, Gonda, dirigent, tamburs | 1971 |
| Hendry Vigeli, Camischolas | 1971 |
| Monn Placi, Sedrun | 1971 |
| Monn Tarcisi, Sedrun | 1973 |
| Caduff Toni, Rueras | 1973 |
| Mathiuet Guido, Camischolas | 1974 |

Compareglein nus la gliesta da commembers activs digl onn 1950 cun quella da 1974, sche constatein nus dus fatgs che duein esser remarcai ella cronica, demai ch'els han senza dubi giu in'influenza el ravugl dalla societad ed en lur program da lavur. Igl onn 1960 ei Josef Bünter secasaus en Tujetsch ed ha fundau 1961 l'uniun da tamburs. Cun gronda premura, perseveronza e capientscha ha el dirigiù il chischlet e promoviu igl art da schumbrar e cheutras enrihiu la veta culturala ella val. Igl onn 1971 ei l'uniun da tamburs vegnida incorporada ella societad da musica. Aschia sa quella oz seproducir aunc en pli gronda varietad che pli baul. In rinforz munta senz'ater era il factum

che vischins da Rueras han els davos 25 onns adina puspei anflau la via ella societad da musica Sedrun. Quei slargia la basa musicala e promova il spért cumineivel.

Las differentas fotografias aschuntadas a quella cronica pon completar ils plaids dil cronist e propi mussar il gatti exterior dil singul musicant e dalla musica instrumentala en siu crescer e sesviluppar.

3. Activitad publica

La societad da musica Sedrun ei stada fideivla agl intent da sias statutas ed ha promoviu il bien spért da societad, cultivau il niebel art musical ed embelliu las fiastas.

a) Embellir las fiastas

Secund quella devisa ha la societad da musica assistiu allas fiastas ecclesiaticas da parada e dasperas a numerusas autras caschuns da tempra zun differenta. Ils paucs eveniments che suondan cheu cronologicamein ein mo schatgs che pon denton schar enconuscher tgei che la musica instrumentala Sedrun ha prestau en Tujetsch.

Ils 24 e 25 da zercladur 1950 han las organisaziuns purillas, numnadamein l'organisaziun svizra per procurar lavur al pur muntagnard e l'uniun alpestra svizra salvau lur radunonza generala a Sedrun e sil Calmut. A quella caschun ein ins seregurdaus dils merets da cusseglier naziunal dr. Baumberger da pia memorai, il qual haveva avon gest 25 onns presentau al Cussegl naziunal la renomada moziun per dar succuors al pur muntagnard. La societad da musica ha giu da segidar a quella fiasta memorativa ed igl actuar nota el rapport: "Possi nies beinvegni muntar in dign engraziament per la stentusa lavur da Baumberger prestada en favur da nies peivel muntagnard svizzer."

Per ils 2 da settember 1951 ha la societad da musica giu surpriu d'organisar la fiasta populara dalla Romania a Sedrun. Quella demonstraziun romontscha ha ella giu preparau ed empalau da maniera exemplarica. En in til festiv han ils musicants ed in grond pievel accumpignau il primiziant Sur Tumaisch Berther da Dieni ils 20 da fenadur 1952 agl altar dil Segner.

Igl onn 1955 ha la NOK entschiet cun las lavurs preparatoricas per l'explotaziun dallas auas dil Rein anteriur. A caschun d'ina viseta dil Cussegl d'administraziun a Sedrun ils 3 d'uoost 1955 ha la societad da musica dau ina producziun. Ils 29 da zercladur 1957 ha l'uniun cantunala da traffic teniu sia radunonza generala a Tujetsch. La societad da musica ha surpriu la part hilarica. Ils 16 da mars 1959 ha giu liug a Sedrun in'emissiun romontscha per il radio. La musica instrumentala ei stada envidada en da cooperar. Ils 25 da november 1962 ei la nova casa da scola da Sedrun vegnida benedida en. Quella inauguraziun ei vegnida embellida entras producziuns dalla societad da musica. Ils 13 d'avrel 1964 havein puspei suenter ina partida onns giu ina messa nuviala. La cumpignia da mats, la societad da musica e tut il pievel han astgau accumpagnar agl altar dil Segner il giuven sacerdot, Sur Giusep Jacomet.

L'uniun da skis ha saviu festivar igl anniversari da 50 onns ils 3 da mars 1964; ils 18 d'october 1964 ha il chor mischedau astgau salvar sia fiasta da naschientscha da 50 onns. La musica ha dau concert per omidus giubilaris. Ils 9 da fenadur 1967 ha la societad da musica accumpignau ensem cun igl entir pievel en til festiv il primiziant caputschin Silvio Deragisch (pader Vigeli) alla baselgia parochiala a Sedrun.

La stad 1967 ei igl imposant mir da Curnera vegnius finius, suenter ch'ins veva gia inauguru il lag artificial da Nalps e la centrala sutterana al pei dil Tgom. La grond'ovra dall'explotaziun dallas auas ei cun quei onn ida encunter la fin sin territori tuatschin. Ins ha perquei giu tutta raschun da selegrar ed engraziar. Sin il mir dil lag da Curnera han ils tuns da fiasta dalla musica legrau ils presents dalunsch e damaneivel. Ils 4 d'october 1969 han ils scribents romontschs teniu a Tujetsch lur radunonza generala. Per quella occasiun culturala ha la societad da musica puspei giu da sepresentar. L'entschatta da mars 1970 astga la musica da Sedrun sunar per la televisiun. Ils 2 da matg 1971 ha la societad da musica giu l'honor da beneventar en Tujetsch il niev mistral dalla Cadi, il commember d'honor Schmid Teofil che ha dirigiu duront 25 onns la musica. Ils 11 da december 1971 ei il bogn cuvretg a Sedrun vegnius avairts. Era a quella inauguraziun ei la musica instrumentala stada presenta ed ha concertau. Ils 12 da november 1972 ha la societad da musica sunau per la radunonza dils scolasts da skis grischuns a Sedrun. La fiasta dil soqn Rusari 1973 ha la societad da musica gratu-

lau a Sur Giusep Durschei per siu giubileum da 25 onns augsegner a Sedrun. La vischnaunca ha a quella caschun dau ad el il dretg da burgheis d'honor. Ils 30 da zercladur 1974 ei stau ina dumengia da vegls e malsaus dalla Surselva a Sedrun. Cheu puspei ha la musica giu da sunar entgins tocs. Ils 25 da matg 1975 ha il giuven Felici Riedi giu messa nuviala. Gl'entir pievel ei selegraus cun el. La societad da musica ha buca schau per breigia d'embellir dignamein la fiasta a Rueras.

Mo ei ha era giu num da prender cumiau da camerats, entginas gadas schizun da musicants activs. Aschia ha la societad da musica accumpignau alla fossa ils commembers activs:

| | |
|------------------------------|-------------------|
| Deflorin Giusep, Camischolas | 1938 |
| Schmid Baseli, Sedrun | 1952 |
| Berther Gebhard, Camischolas | 1963 |
| Cavegn Antieni, Sedrun | 1972 |
| Deragisch Linus, Sedrun | 1973 |
| | (giuven musicant) |

b) Cultivar gl'art musical

La musica da Sedrun ei nuota secumentada cun producziuns dallas uisas ella val. Ella ha ual els 25 davos onns priu art e part da tuttas fiastas da musica sursilvanas. Era a talas el Cantun eis ella separticipada ed ei schizun ida sur ils confins da quel ora. Els rapports dallas fiastas sursilvanas savein nus leger denter auter:

- Mustér, ils 20 da matg 1929

"Ussa passa ina societad suenter l'autra sin la bina per mussar la habilitad. Era nus havein schau ora cups quei mument che ha tuccau a nus. 'Bravo, i e'iu begn - ussa lein nus prender in detg sitg'".

- Trun, ils 15 da matg 1932

"Cun legherment constateschan ils derschaders in grond progress el sunar dapi la davosa fiasta da musica. Tschupi d'arbagias han tuttas societads obteniu. Per differenziar las diversas prestaziuns han ils derschaders fatg treis partiziuns Plein cuntentientscha e nova curascha essan nus returnai a casa".

- Mustér, ils 9 da matg 1948

"Era nus cun nies "Märchenland" vein schau resunar pians e fortes e schau saltar ils nanins sin tuts mauns. Possi quei tschupi d'arbagias cun franzlas d'argien, che nus vein survegniu, animar da l'autra ga acquiatar las franzlas d'aur."

- Trun, ils 4 da matg 1952

"Sunter che sis societads han giu produciu lur tocs ha nossa societad schau resunar il toc "Die beiden Veroneser", il qual ha giu in grondius applaus ed ei tenor nossa perschasiun ius fetg bein. Ussa havein nus giu in grev buordi giu da dies ed essan i cun lev cor e bien appetit a gentar."

- Trin, ils 14 da matg 1961


"Cun bien success essan turnai a casa, arbagias d'aur en la categoria II. Nies signur dirigent, scolast Teofil Schmid ha danovamein fatg ina buna elecziun cul toc da concorrenza "Der Brautraub". Cun gronda capientscha e nunstunclenteivla lavur de nies premurau dirigent essan vegni d'engular la spusa. Era en concorrenza da marschar havein contenschiu gl'emprem plaz, tenor giudicar public la meglia muscia."

- Rabius, ils 16 da matg 1965

"... mo la supresa ei stada ton pli gronda aschia. Nossa Festfanfaren sto haver tunau sco sche aunghels haveisen sunau. La lavur da mintgin ei vegnida encoronada cun in tschupi cun tingalins d'aur. La sera han ils tamburs, il chor mischedau ed il chor da vallada fatg a nus in stupent beinvegni cun lur producziuns."

- Vignogn, ils 11 da matg 1969

"Sisu il bi vitg da Vignogn en ina gronda tenda festiva avon in numerus ed attent auditori sepresentan las musicas cun ils tocs da pac che ein bein la luschezia dils dirigents e musicants ed era satisfacziun per ina gronda lavur preparatorica duront igl entir unviern. Nus savein udir cheu producziuns veramein da vaglia ed igl ei plascheivel da saver constatar che la musica instrumentala ha en nossas valladas aunc gronda muntada. Cun nossa producziun la uvertura "Le retour au beau



1971

Valais" da Jean Godard havein nus giu in grond success avon il pievel da fiasta. Quella ga han era ils derschaders che taxeschan quella uvertura per in grev e sensibel toc renconuschiu nossa buna prestaziun cun in l rang."

- Trun, ils 20 da matg 1973

"En omisduas disciplinas ha nossa societad giu fetg bien success, pia 2 x l rang. E sche ils derschaders scrivon: Diese Aufführung hinterliess einen sehr guten Eindruck", sche ei quei plascheivel per nus musicants ed era per nies dirigent. Ils tocs da pac ein uonn vegni sunai dallas 22 societads en ina sala da silenzi, quei ch'ei per musicants ed auditori pli adattau. La ulteriura festivitad ha giu liug en ina tenda sil prau Dulezi. Cheu han las biaras musicas dau producziuns libras, aschia era nus ed era nos tamburs cun grond applaus."

Fiastas da musica cantunalas

- Mustér 1955 } Omisduas gadas fetg bien success,
- Cuera 1959 } l rang, tschupi cun franzlas d'aur
- Steinhausen, Cantun Zug, 1971. Ord il rapport da quella fiasta: "Ils 10 ed 11 da zercladur ha liug a Steinhausen la fiasta da musica cantunala da Zug cuminada cul giubileum da 50 onns musica da Steinhausen. Cun quella societad essan nus amitgs dapi enzaconts onns e quei principalmein entras nies convischin Felici Huonder, che diregia la musica da leu. Ord quei motiv essan nus envidai a sia fiasta."

La musica da Sedrun en sia stupenta cumparsa ei insumma adina puspei stada envidada tier giubileums, oravontut da musicas instrumentalas dil contuorn. Aschia ein da numnar:

| | |
|--|------|
| Andermatt, fiasta da gimnastica cantunala | 1960 |
| Razen, nova bandiera | 1962 |
| Andermatt, 50 onns musica instrumentala | 1963 |
| Trun, 100 onns musica instrumentala | 1964 |
| Surrein-Sumvitg, nova uniformaziun | 1965 |
| Glion, 120 onns societad da musica | 1965 |
| Curaglia, renovaziun dalla baselgia | 1969 |
| Danis-Tavanasa, 50 onns musica instrumentala | 1970 |
| Mustér, nova instrumentaziun dalla musica | 1970 |
| Andiaast, 50 onns societad da musica | 1973 |
| Breil, 75 onns musica e nova instrumentaziun | 1974 |

Mo Tujetsch ha era adina puspei astgau beneventar musicas ord auters cantuns. Ellas ein vegnidas ella val per concertar ensemen cun la musica indigena. Ligioms existents sur ils stretgs tiarms d'ina vischnaunca muntagnarda ein cheutras vegni enfirmi. Cheu ein d'allegar:

| | | |
|-----------------------|----|------|
| Musica da Biel-Mett | BE | 1962 |
| Musica da Steinhausen | ZG | 1967 |
| Musica da Thayngen | SH | 1973 |
| Bereitermusik Bern | | 1973 |

c) Promover il bien spért

Il bien spért ei senz'auter il pilaster purtont per ina societad culturala. Mintga commember sa contribuir leutier, savens en moda nunveseivla. Quei spért seplonta da camerat tier camerat, d'onn tier onn, da vegl tier giuven, da generaziun tier generaziun. Veramein! Mo era il bien spért sto vegnir cultivaus e tgiraus. Tgi ei cheutier pli qualificaus che quels commembers fidai che porschan il maun d'ina generaziun a l'autra ed ein muort lur lavur nunstunclenteivla exempels el ravugl dall'uniun. Quels ch'ei cul temps vegni numnai commembers d'honor ein:

| | |
|-------------------------------|--------------------------|
| Cavegn Lucas, cadruvi + | Monn Berther Fidel + |
| Monn Gion Antoni, forester + | Schmid Felici + |
| Soliva Duri Vigeli + | Decurtins Luis, dr. vet. |
| Soliva Battesta + | Deragisch Placi |
| Soliva Giachen Antoni + | Valier Benedetg |
| Monn-Decurtins Vigeli + | Berther-Valier Giusep |
| Deflorin Giusep + | Monn-Tuor Ignazi |
| Cavegn-Gieriet Albert + | Monn Lucas |
| Jacomet Placi + | Monn-Monn Benedetg |
| Venzin Tumaisch, dirigent + | Cavegn Vigeli + |
| Deflorin Baseli | Soliva Bruno |
| Soliva Ignazi, senior + | Schmid Teofil, dirigent |
| Huonder Baseli | Schmid Giusep, 2l |
| Cavegn Placi + | Monn-Schmid Vigeli |
| Gamboni Giachen Giusep + | Monn Tumaisch |
| Valier Giachen Martin | Berther-Tuor Ignazi |
| Monn Gion Andriu | Beer Gion Giachen |
| Fetz Giachen Antoni, plevon + | Schmid Martin |
| Berther Stiafen, dr. med. + | Decurtins Adalbert |
| Monn Gion Felici + | Soliva Battesta, junior |
| Deflorin Barla + | Berther Stanislaus |
| Berther Maurus, senior + | Deflorin Leci |
| Monn-Decurtins Felici | Beer Tumaisch |

Veterans cantunals Activs 25 onns e dapli

| | |
|-----------------------------|---------------------|
| Deflorin Baseli | Valier Benedetg |
| Huonder Baseli | Monn-Tuor Ignazi |
| Venzin Tumaisch, dirigent + | Soliva Bruno |
| Deragisch Placi | Schmid Giusep 21 |
| Schmid Teofil, dirigent | Monn Tumaisch |
| Berther-Valier Giusep | Berther-Tuor Ignazi |
| Monn-Monn Benedetg | Decurtins Adalbert |
| Monn Lucas | |

Veterans federalis Activs 35 onns e dapli

| | |
|-----------------|-----------------------|
| Deflorin Baseli | Berther-Valier Giusep |
| Huonder Baseli | Monn-Monn Benedetg |
| Deragisch Placi | Monn Lucas |

Il spèrt ligiont vegn promovius sin viadis. Tals ha la societad da musica fatg a: Genua 1960, Biel 1962 e Meran 1968. Lein tedlar co igl actuar ei s'exprimius arisguard quei davos viadi: "Tenor in conclus dalla societad da musica havein uonn ughegiau da puspei far in viadi suententer entgins onns. Deplorablamein han buca tuts commembers saviu prender part da quel. Quei che nus havessen cuiu da cor a scadin dils camerats musicants. Cu ei vegn luvrau e sacrificau en ina societad, duess quella era saver porcher mintgaton ina variaziun a ses commembers, che duei esser in ligiom che ligia ferm ils commembers e che duei far plascher da luvrar vinavon."


Era la lavur da cuminonza ei magari in bien mied per rinforzar l'amicenzia, recrear ils vischins e spisgiar la cassa. Aschia ha la societad da musica els 25 davos onns adina puspei arranschau fiastas popularas. Per indicar l'impurtonza da talas caschuns lein nus consultar il protocol dalla fiasta populara da 1972: "Ils 5 d'uost organischa nossa societad puspei l'usitada fiasta populara sil plaz scola a Sedrun. Da quei arranchament fan gia dapi ina partida onns ina gronda clientella part e la musica ha quei di la cuida da nos vischins." Autras caschuns che nus lein enumerar ein: producziuns per gliendisdis tscheiver, per ils luvrers duront il temps dall'explotaziun dallas forzas d'aua, per la fiasta naziunala mintgamai igl'emprema d'uost e per il di dallas mummas, lu concerts duront las sesiuns da sport per ils hosps e producziuns els differentes vischinadis sco la musica ha per exempel dau ils 24 da zercladur 1972 a Tschamut per ils vischins d'entadem la val.

4. Engaschi

Igl engaschi dalla societad da musica ei carschius ad in crescher ils davos 25 onns. En plirs dils davos protocols savein nus leger che la musica ha giu da seprentar savens, gie giu da dar entochen 30 producziuns en in onn. Veramein veritablas prestaziuns sper la lavur professiu-nala. E pér sch'ins sa, che davos la cumparsa da fiasta schai la stedia lavur preparatorica el zuppau. Ei la societad da musica adina puspei vegnida envidada en per dar producziuns ad occasiuns las pli diversas, ei quei d'attribuir al sacrifici dils singuls commembers ed agl in-schign musical dils dirigents beinvulents. Ad els lein nus admetter in cauld engraziament per la lavur nunapprezza-bla en favur dalla veta culturala en Tujetsch. Cheu suon-dan ils num:

| | |
|-----------------------|-------------|
| Schmed Stiafen | 1875 - 1890 |
| Venzin Vigeli e | |
| Cavegn Adolf | 1890 - 1894 |
| Deragisch Gion Antoni | 1894 - 1904 |
| Pally Giachen Antoni | 1904 - 1909 |
| Monn Gion Antoni e | |
| Beer Luis (Mustér) | 1909 - 1917 |
| Venzin Tumaisch | 1917 - 1939 |
| Schmid Teofil | 1939 - 1964 |
| Pally Vinzens | 1964 - 1968 |
| Berther Stiafen | 1968 - 1973 |
| Hendry Benedetg | 1973 - |
| Schmid Emil (tamburs) | 1971 - |

Il stedi engaschi dalla societad da musica stat segira-mein era en relaziun cun il legreivel svilup economic che ha fitgau pei en Tujetsch suenter la secunda uiara mundiala ed ei vegnius sustenius veseivlamein entras l'explotaziun dallas auas dil Rein anteriur. La basa eco-nomica ei s'extendida sin las differentas branschas pusseivlas en ina val muntagnarda. Quei ha influenzau era la veta culturala e recreativa. Ei fuss autramein strusch stau pusseivel alla societad da sefittar aschi pulitamein en quels 25 onns sco allegau el secund capetel ed ei vess buca dau tontas caschuns da seproducir. Lein esser cuntents ch'il temps ei segidaus. E tonaton ha ei durvrau presidnets e cassier che han da tut temps empalau cun maun segir la societad da musica atras ils onns:



1975

| | | |
|-------------------|-------------|------------|
| Deflorin Benedetg | 1928 - 1930 | presidents |
| Deflorin Baseli | 1930 - 1932 | |
| Peder Gion Michel | 1932 - 1934 | |
| Monn Gion Andriu | 1934 - 1937 | |
| Deragisch Placi | 1937 - 1939 | |
| Schmid Heinrich | 1939 - 1940 | |
| Valier Benedetg | 1940 - 1944 | |
| Soliva Bruno | 1944 - 1946 | |
| Berther Giusep | 1946 - 1952 | |
| Monn Christian | 1952 - 1953 | |
| Deragisch Placi | 1953 - 1956 | |
| Berther Vigeli | 1956 - 1962 | |
| Beer Gion Giachen | 1962 - 1966 | |
| Monn Tumaisch | 1966 - 1968 | |
| Deflorin Leci | 1968 - | |

| | | |
|------------------------|-------------|----------|
| Berther Christian | 1928 - 1930 | cassiers |
| Jacomet Luis | 1930 - 1932 | |
| Gamboni Giachen Giusep | 1932 - 1934 | |
| Schmid Felici | 1934 - 1937 | |
| Hendry Giachen | 1937 - 1939 | |
| Valier Luis | 1939 - 1940 | |
| Monn Benedetg | 1940 - 1944 | |
| Monn Ignazi | 1944 - 1948 | |
| Schmid Baseli | 1948 - 1952 | |
| Schmid Martin | 1952 - 1956 | |
| Berther Sep Fidel | 1956 - 1960 | |
| Deflorin Giachen | 1960 - 1964 | |
| Berther Ludovic | 1964 - 1968 | |
| Berther Giachen Antoni | 1968 - 1970 | |
| Cavegn Alexander | 1970 - | |

Ei ha durvrau e drova oz sco damaun la participaziun dil singul, igl engaschi dalla societad sco tala ed il sustegn dalla populaziun per il beinreussir. Alla ludeivla vischnaunca da Tujetsch in cauld engraziament per il sustegn da vegl enneu e medemamein als biars e buns benefactors. La lavur cumineivla dalla societad da musica Sedrun possi era el futur purtar buns fretgs per Tujetsch. Quei giavischchein nus da cor e schein:

Cu vus marscheis
sunond
schumbrond
tras vitg e val,
tut ch'ei perpeis
anflond
incont
tras vies ideal.